




Ukuhlomisa izingane zethu
ngelikusasa

SS 2

Isihloko sesifundo: UmPhostoli uPetru etilongweni

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **UmPhostoli uPetru etilongweni**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le – SS 2. 2.4: Uyacelwa uthinte uThisha wakho we – SS 2 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se – **SS 2** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	UmPhostoli uPetru etilongweni
Umbhalo weBhayibheli	Izenzo 12: 1 – 17
Inhloso yesifundo	Izingane zifunda ukuthi uNkulunkulu uyazivikela izinceku zaKhe futhi baqala ukuqonda ukubaluleka komkhuleko wokuncengela abanye.

Isifundo esifingqiwe:

AmaKristu okuqala eJerusalema aphathwa ngonya. INkosi u-Agripa wenza ukuba umPhostoli uPetru aboshwe afakwe etilongweni ngokungenacala. INkosi yabona ukuthi uPetru ubewusongo embusweni wakhe ngokusabalalisa izwi likaNkulunkulu kumaKristu futhi wahlela ukumbeka icala emphakathini ngemuva kwePhasika.

Lonke ibandla lakhuleka ngokujulile nangokuzimisela kuNkulunkulu. Banxusa iNkosi ukuba ivikele futhi isize umPhostoli wabo. Babethembele eNkosini futhi bathandaza ubusuku bonke becela isimangaliso.

Kusenjalo amalungu ezwa ukungqongqoza emnyango, futhi kwakungumPhostoli uPetru. Wacacisela ibandla ukuthi wayeboshwe ngamaketanga nokuthi yena nabalindi-tilongo babelele, kuthe kusenjalo kwabonakala ukukhanya okukhulu; ingelosi yeNkosi yamtshela ukuba asukume khona belu amaketanga awela phansi. Isango lejele lavuleka wabe esedlula kubo, kungekho unogada omnakile. INkosi yayithumele ingelosi ukuba ikhulule umPhostoli uPetru ngenxa yemikhuleko yebandla.

Bendawonye babonga uNkulunkulu ngalokhu kutakulwa okuyisimangaliso.

Ingabe sisho ukuthini lesisifundo kithina namhlanje na?

- Uma senza umkhuleko wokuncenga engxenyeni yabaPhostoli bethu, abefundisi, abafowethu, nodadewethu, iNkosi iyayizwa imikhuleko yethu.
- AmaKristu obuPhostoli obuSha emikhulekweni yabo ancengela ngisho nalabo abasezinhlalweni zabalele. Uma sikwenza lokhu, sicela iNkosi ukuba ibasize labo asebedlulele ngaphesheya besesimweni sokungahlengwa.
- Encwadini NgokukaMathewu 18:20, UNkulunkulu uthi: *“Ngokuba laphe kubuthene ababili noma abathathu egameni laMi, ngikhona laphe phakathi kwabo”*.



Eminye imibuzo esingayibuza:

Umbuzo: Ingabe ucabanga ukuthi ibandla lazizwa njani ngenkathi libona umPhostoli uPetru emnyango ngalobo busuku na?

Impendulo: Babejabule kakhulu futhi babonga uNkulunkulu ngokuzwa nokuphendula imithandazo yabo yokusindisa umPhostoli uPetru. Babesanda kubona isimangaliso.

Umbuzo: Ingabe ucabanga ukuthi kungani sidinga ukukhulekela abaPhostoli kanye nezikhonzi zethu esikhathini sethu na?

Impendulo: Yingoba banomsebenzi omkhulu wokusilungiselela insindiso kanye nosuku lovuko lokuqala. Sithandazela ukuthi uNkulunkulu abanike amandla wokuphelelisa umsebenzi waKhe.

Umbuzo: Ingabe ungacabanga yini ngesikhathi lapho wake wakhuleka khona uncengela othile emkhulekweni wakho na?

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes